



Na osnovu čl. 2., 21. i 27. Zakona o privremenom korišćenju javnih površina („Službene novine Kantona Sarajevo“, broj 20/04, 26/12, 32/12 - ispravka i 24/15), člana 19. Statuta Općine Novo Sarajevo („Službene novine Kantona Sarajevo“, br. 5/20 - prečišćeni tekst i 20/20 - ispravka), Općinsko vijeće Novo Sarajevo na 5. redovnoj sjednici, održanoj 27.05.2021. godine, donijelo je

**ODLUKU  
O IZMJENAMA I DOPUNAMA ODLUKE O PRIVREMENOM KORIŠTENJU  
JAVNIH POVRŠINA NA PODRUČJU OPĆINE NOVO SARAJEVO**

Član 1.

U članu 4. Odluke o privremenom korišćenju javnih površina na području Općine Novo Sarajevo („Službene novine Kantona Sarajevo“, broj: 43/13, 15/16, 15/19) tačka 9. mijenja se i glasi:

**„9. Stolovi i stolice uz ugostiteljske radnje- bašte uz ugostiteljske objekte**

Stolovi i stolice uz ugostiteljske radnje po pravilu se postavljaju uz ugostiteljske radnje ( u daljem tekstu bašta), na pješačkim stazama i trotoarima, u skladu sa ovom Odlukom, Zakonom o privremenom korišćenju javnih površina i Zakonom iz oblast saobraćaja. Izuzetno, uz pribavljenu saglasnost vlasnika objekta, odobrenje se može izdati za korištenje javne površine ispred susjednog objekta ili na javnoj površini na način i pod uslovima koje odredi javno preduzeće ili ustanova koja upravlja navedenom površinom.

Bašta može sadržavati i druge elemente kao što su: montažno-demontažna podloga, tenda oslonjena na tlo (montažno-demontažna otvorena ili zatvorena konstrukcija), žardinjere, suncobrane, korpe za otpatke, jarbole, uređaja za hlađenje i zagrijavanje, aparat za sladoled i sl.

Bašte se postavljaju ispred, bočno ili u zaleđu ugostiteljskog objekta ukoliko postoji direktan izlaz iz ugostiteljskog objekta u baštu, a ukoliko ugostiteljski objekat nema direktan izlaz u baštu, bašta može biti udaljena od ugostiteljskog objekta maksimalno 20 m. Bašta se može sastojati od dva ili više dijelova, te mora ispunjavati slijedeće uslove:

- izgledom ne smije narušavati arhitektonske i urbanističke karakteristike zgrade, te ukoliko su građevine u nizu da bašte budu jednakog ili sličnog izgleda,
- mora osigurati nesmetano korištenje zgrada i drugih objekata i urbane opreme ( klupe za sjedenje, kante za otpatke, stalci za bicikle),
- ne smije ugroziti sigurnost i redovan protok sudionika u prometu, kao i onemogućavati prolaz vozilima javnih službi (hitna pomoć, policija, vatrogasna, komunalna vozila i slično),
- ne smije narušavati površinu na koju se postavlja, odnosno elementi bašte ne smiju degradirati podlogu na način da su trajno pričvršćeni za tlo temeljenjem, ankerisanjem i sl.,
- bašta se postavlja tako da širina trotoara za kretanje pješaka bude minimalno 1,6 m, a u pješačkim zonama 3,0 m, odnosno 3,5 m za prolaz vatrogasnog vozila u slučaju potrebe,
- na dijelovima bašte gdje postoji potreba zaštite od kolskog i pješačkog saobraćaja obavezno je postavljanje ograde do visine jednog (1) metra,
- na površini čiji nagib zahtijeva nivelisanje koristi se montažno –demontažna podloga od drveta ili legure metala visine do 15 cm, koja na najizdignutijem dijelu od tla može biti maksimalne visine 30 cm,
- postavljena bašta mora biti na bezbjednom rastojanju od komunalnih objekata (stub javne rasvjete i elektro mreže, hidrant, šaht i drugo), koji moraju biti izvan bašte i dostupni za nesmetano korištenje i održavanje najmanje s jedne strane,
- ukoliko se bašta postavlja u blizini spomenika, fontana, javnih česmi, minimalna udaljenost od navedenih objekata mora biti 4 m,
- ukoliko se bašta postavlja na način da se nalazi u pojasu maksimalno do 1,5 metara od zida objekta kolektivnog stanovanja, potrebno je prethodno pribaviti saglasnost etažnih vlasnika u formi Odluke etažnih

upravljanju zajedničkim dijelovima zgrade i Uputstvom o izradi obrasca „Zapisnik sa skupa etažnih vlasnika“;

- odobrena površina bašte obilježava se na tlu, linijama žute boje, a obilježavanje vrše predstavnici službe za komunalne poslove koja izdaje odobrenje,

- u bašti nije dozvoljeno postavljanje roštilja, ražnja, šankpulta, fontane, muzičkog uređaja, niti je dozvoljeno izvođenje muzike uživo.

Kod bašti koje sadrže montažno-demontažnu podlogu ili tendu sa dva (nadstrešnica sa središnjim nosačima) ili više oslonaca ( montažno-demontažna otvorena ili zatvorena konstrukcija - pergola), potrebno je dodatno ispuniti sljedeće uslove:

- tenda ne smije biti trajno pričvršćena za tlo temeljenjem , ankerisanjem niti može biti naslonjena i pričvršćena za fasadu objekta kolektivnog stanovanja bez saglasnosti etažnih vlasnika,

- tenda sa središnjim nosačima može biti sklopiva s rolo mehanizmom, dvostrešna ili jednostrešna i smije natkrivati samo tlocrtnu površinu baste,

- pokrov koji se koristi za prekrivanje tende mora biti otporan na istezanje i isti je nezapaljiv, što se dokazuje tehničkom dokumentacijom i atestom proizvođača,

- pergola mora biti izrađena od profila od čvrste legure, otporne na koroziju, odnosno od čeličnih ili aluminijskih plastificiranih profila, učvršćenih u montažno-demontažnu podlogu (podest) na način da je oslonjena na tlo, odnosno ne čini građevinu i nije dozvoljeno postavljanje/ugrađivanje čvrste opreme, betoniranje, zidanje na javnoj površini,

- pergola zatvorenog tipa sa tri ili sve četiri strane mora biti projektovana i postavljena tako da bočni elementi sa podnom platformom i sjenilom čine konstruktivnu cjelinu, da budu u funkciji ograde, zaštite od buke, izduvnih gasova, vjetrova, kiše i drugih atmosferskih padavina, i moraju biti transparentni i izrađeni od prozirnog i bezbjednog materijala s elementima za otvaranje u ljetnom periodu,

- udaljenost pergole zatvorenog tipa od ivice kolovoza mora biti minimalno 3 m, od ivice javne površine za parkiranje vozila, susjedne pergole, pješačkog ulaza u zgradu, dvorišta, pasaža ili garaže minimalno 2 m,

- osnov za izdavanje odobrenja za postavljanje bašte koja sadrži tendu je projekat koji uključuje statički proračun konstrukcije izrađenim od strane ovlaštenog lica odgovarajuće struke za projektovanje, koji sadrži: grafički prikaz bašte (tri projekcije i karakteristični presjeci) sa razmeštajem svih elemenata koji je čine u razmjeri 1:50 - 1:100, prikaz elemenata bašte (crtež, fotografija, prospekt), tehnički opis elemenata bašte i načina montaže, za koje je potrebno pribaviti saglasnost zaštite od požara i eksplozije, zaštite na radu,

Građene tende su od lagane konstrukcije, neatestirane, koje su montirane na čvrstu podlogu, pokrivene impregniranim ili plastificiranim platnom ili drugim sličnim materijalom.

Oprema za hlađenje i zagrijavanje na električne instalacije niskog napona ili zagrijavanje bašte tečnim naftnim gasom (TNG) vrši se u skladu sa posebnim propisima za šta je potrebno obezbijediti u projektnu dokumentaciju i pribaviti potrebne saglasnosti nadležnih preduzeća i ustanova.

Dodjelu lokacija za postavljanje stolova i stolica uz ugostiteljske radnje-bašte uz ugostiteljske objekte odobrava Općinska služba za komunalne, stambene poslove i saobraćaj ukoliko postoje prostorne mogućnosti i ako ne ometa pješačke saobraćajne tokove.

Period privremenog korištenja javnih površina za postavljanje stolova i stolica uz ugostiteljske radnje- bašte uz ugostiteljske objekte i drugih elemenata koji su sastavni dio otvorene bašte utvrđuje se tokom cijele godine.,,

## Član 2.

U članu 4. Odluke o privremenom korištenju javnih površina na području Općine Novo Sarajevo („Službene novine Kantona Sarajevo”, broj: 43/13, 15/16,15/19) tačka 10. stav 2. mijenja se i glasi:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo, tel (387 33) 492 268, fax (387 33) 650 397

E mail: [vijece@novosarajevo.ba](mailto:vijece@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

102050000098065 Union Banka d.d. Sarajevo; 1413065320060897 Bosna Bank International d.d.



„Prodajni sto se može postaviti kao „rešetka“ za izlaganje i prodaju voća i povrća i druge robe iz poslovnog objekta pri čemu se mora obezbijediti slobodan prostor za kretanje pješaka, širine najmanje 1,60 m.“

### Član 3.

U članu 4. Odluke o privremenom korištenju javnih površina na području Općine Novo Sarajevo („Službene novine Kantona Sarajevo”, broj: 43/13, 15/16, 15/19) tačka 20. iza stava 1. dodaje se stav 2., stav 3., stav 4., stav 5. i stav 10. koji glase:

„Za prateće ugostiteljske i turističke sadržaje iz prethodnog stava, može se postaviti tipska montažna kuća, balon hala ili šator-paviljon.,,

„Tipska montažna kuća je pokretni objekat gotove konstrukcije, jednodijelni ili iz dva dijela maksimalne površine do 40 m<sup>2</sup>, izrađen od gotovih prefabrikovanih elemenata pokriven krovnim pokrivačem, koji se postavlja na podlogu bez izvođenja građevinskih radova.“

„Balon hala je objekat gotove konstrukcije zatvorenog tipa atestirani od strane proizvođača, izrađeni od gotovih prefabrikovanih elemenata u kojima su vanjski i unutrašnji pritisak izjednačeni.“

„Šator-paviljon je manji samostalni objekat od lakih materijala koji služi za potrebe kulturnih, zabavnih, sportskih manifestacija, natkrivena, aluminijska konstrukcija prekrivena visokokvalitetnim PVC ceradama izrađenima od negorućeg i vodonepropusnog materijala, uz mogućnost sidrenja na klinove ili na betonske utege ovisno o uvjetima, potrebi i uz mogućnost opremanja drvenim podovima, tepisima, stolovima i stolicama, pozornicom, grijanjem.“

„Prateći objekti za potrebe organizovanja manifestacija mogu se postavljati i na javnoj zelenoj površini pod uslovom da se zelena površina nakon korištenja dovede u prvobitno stanje.“

Dosadašnji stavovi 2., 3., 4. i 5. postaju stavovi 6., 7., 8. i 9., a stav 6. postaje stav 11.

### Član 4.

U članu 19. Odluke o privremenom korištenju javnih površina na području Općine Novo Sarajevo („Službene novine Kantona Sarajevo”, broj 43/13, 15/16, 15/19) u stavu 2. broj „5” mijenja se brojem „3”.

### Član 5.

U članu 21. stav 1. tačka a) iza riječi „Ako se javna površina koristi“ brišu se riječi „za potrebe“ a dodaju se riječi „za manifestacije i promocije“.

### Član 6.

Rješenja o privremenom korištenju javnih površina izdata do stupanja na snagu ove Odluke, ostaju na snazi do isteka roka utvrđenog u rješenju.

Ako je do stupanja na snagu ove Odluke upravni postupak pokrenut kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama odluke koja je bila na snazi danom podnošenja zahtjeva, ili po odredbama ove Odluke uz pisanu saglasnost podnosioca zahtjeva.

### Član 7.

Komisija za statut i propise Općinskog vijeća sačinjit će prečišćeni tekst Odluke o privremenom korištenju javnih površina i isti objaviti u „Službenim novinama Kantona Sarajevo“.

Ova Odluka stupa na snagu osmog dana po objavljivanju u „Službenim novinama Kantona Sarajevo“.

Broj: 02OV-19-3882/21  
Sarajevo, 27.05.2021. godine



**PREDSJEDAVAJUĆI**  
**OPĆINSKOG VIJEĆA NOVO SARAJEVO**  
**Pleše Robert**

*Općina Novo Sarajevo, ulica Zmaja od Bosne br. 55, centrala telefon (387 33) 492 100  
Općinsko vijeće Novo Sarajevo, tel (387 33) 492 268, fax (387 33) 650 397  
E mail: [vijece@novosarajevo.ba](mailto:vijece@novosarajevo.ba)*



*Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun (račun za prikupljanje javnih prihoda): 1411965320011288 Bosna Bank International d.d.;  
Transakcijski računi (za isplatu svih obaveza): 1610000019280022 Raiffeisen bank d.d. Sarajevo;  
1411965320011191 Bosna Bank International d.d.;  
102050000098065 Union Banka d.d. Sarajevo; 1413065320060897 Bosna Bank International d.d.*

